

Amir Fazlić

1. Pitanja upućena Upravi za indirektno oporezivanje BiH :

1. Na koji način, po kojem zakonskom osnovu i koliko su osoba direktori Uprave za indirektno oporezivanje zaposlili u periodu 2004.-2011. godine i od marta 2011. godine do danas, suprotno važećem Pravilniku o unutrašnjoj organizaciji i sistematizaciji radnih mjesta?
2. Na koji način, po kojem zakonskom osnovu i iz kojih razloga direktor Uprave za indirektno oporezivanje vrši često, i po meni bezrazložno, mimo saglasnosti pretpostavljenog rukovodioca, premještanje zaposlenih nanoseći eventualno štetu organizaciji timskog rada i da li se nanosi šteta ovakvim načinom rada direktora?
3. Da li je i do koje mjere Ministarstvo pravde BiH – Upravni inspektorat na državnom nivou, preduzelo protiv direktora i odgovornih osoba u Upravi za indirektno oporezivanje radi nezakonitog zapošljavanja u ovoj instituciji i zbog toga što nisu realizirali nalog Upravnog inspektorata broj: UP-09-07-12-1153-8/10, od 21.02.2011., kojim je naloženo da se Pravilnik o unutrašnjoj organizaciji uskladi sa Zakonom o upravi, Zakonom o ministarstvima i drugim organima uprave i Zakonom o sistemu indirektnog oporezivanja u roku od osam mjeseci, te zašto je Upravni inspektorat dao samo nalog za usklađivanje Pravilnika o unutrašnjoj organizaciji sa Zakonom o upravi, Zakonom o ministarstvima i drugim organima uprave i Zakonom o sistemu indirektnog oporezivanja u okolnostima eventualnog kršenja zakonskih propisa ne preduzimajući i druge mjere?“

2. Urgencija za dostavu odgovora na pitanja s prethodnih sjednica

- a) Pitanja postavljena na 14. sjednici, održanoj 24.11.2011., upućeno Vijeću ministara BiH:
 1. Šta je Vijeće ministara BiH preduzelo i šta preduzima na zaštiti naših građana (BiH) vezano za staru deviznu štednju u Ljubljanskoj banci i Invest banci u Beogradu?
 2. Ima li novih momenata u vezi s ovim problemom?
 3. Da li je neko od građana BiH ostvario pravo povrata štednje – novca iz ove dvije banke?“
- b) Pitanje postavljeno na 15. sjednici, održanoj 8.12.2011., upućeno Vijeću ministara BiH – „Tražim od nadležnih da mi dostave broj zaposlenih u Agenciji za identifikacione dokumente i razmjenu podataka, te imena i prezimena zaposlenika i državnih službenika, kako za sve regionalne centre, tako i za sjedište Agencije.“
- c) Pitanja postavljena na 15. sjednici, održanoj 8.12.2011., upućena Federalnom ministarstvu prometa i komunikacija i Ministarstvu saobraćaja i veza Republike Srpske:
 1. “Koliko su Željeznice Federacije BiH i Željeznice RS-a dobile sredstava iz budžeta Federacije BiH i budžeta RS-a u 2009., 2010. i 2011. godini?
 2. Kolika su ukupna zaduženja Željeznica Federacije BiH i Željeznica RS-a zaključno sa 2011. godinom, sa strukturom duga?“